

In memoriam Federico Croes† di Pos Chikito

Mi omo Federico, Fedjai of Modjai manera nos su sobrinaonan ta yame a bay laga nos dia 27 di juli 2010. Modjai a biba den dos siglo, esta siglo 20 y siglo 21. El'a nace dia 18 di juli 1918 na Pos Chikito y el'a muri na e edad respeta di 92 aña. El'a wak Pos Chikito crece di 7 cas pa sigur mas di 600 cas. Como cu mi a pasa hopi biaha bishit'e, e tabata contami e storia di Pos Chikito den tempo bieu y storia di mi famia en particular. Modjai tabata e ruman homber mayo di e tres ultimo omonan cu a keda. E tabatin 8 ruman, 7 ruman homber y un ruman muher. Y ainda ta keda un tanta grandi di dje na bida, esta, Isidora Sollognier-Geerman cu tin un edad di 97 aña. Modjai a traha 35 aña na Web y prome cu esey 10 aña na Lago. Prome cu el'a traha na Lago e tabata yuda su tata, esta, defunto Porfilio Croes, planta na e teranan di nos famia Croes na Savaneta, Cadushi Largo y Rooi Dwars. Na Savaneta unda

aworaki e misa, scolnan y santanan di Savaneta ta traha. Modjai a contami con tempo cu nobo nobo Lago a yega, su tata, mi padushi Porfilio Croes, tabata traha na Lago banda di aña '29 a'ey. E mester a hib'e riba burico traha na Lago. Marduga nan tabata coy e caminda di band'i lama na Pos Chikito, pasa patras canti'lama na Savaneta, sigui bay, pasa Cura Cabay dreata Brasil y San Nicolas. Ora nan yega na porta di Lago nan tabata para un rato cuminda conocirnan na e rumshop di Doeï Bislick. Djei Modjai su so rib'e burico tabata core bin bek abou pa yega su cas na Pos Chikito. Djeinan e tabata ranc'ua careda pa bay scol di Savaneta. Asina Modjai ta contami, cu tur su rumananan tabatin nan trabou di haci. Defunto Buchi Everaldo y MoYuchi (Julio) Croes, mester a bay chapi y planta na e teranan condes di nan tata Porfilio band'i misa y ser'i Kawara na Savaneta. Omo Gesman (Dominico Guz-

man Croes) tabata laata maiata trempa pa busca lechi' baca serca Buchi Quillermo Vrolijk na Balashi. Aunke Modjai tabata un homber di edad halto semper e tabatin ideanan masha moderno. Tempo cu ningun hende no tabata core cabay na Pos Chikito Modjai tabata pasa, bou su sombre, riba cabay ta dal su tripana. Te na edad hopi avansa el'a traha un cas na Pos Chikito pa su yiu muher Gladys. Y tur hende tabata mesun hende pe. E no tabata wak ni color, rasa of clase social. Y hasta den su morto e ta un trendsetter paso e lo ta un di e prome grandinan Arubiano di famia bieu cu ta bay wordo crema na Corsou. Segun su ultimo deseo un parti di su shinishi lo wordo tira dilanti di su cas na Pos Chikito y e otro parti na cas di dudu y papadushi. Defunto Porfilio y Maria Croes-Geerman.

Modjai ta laga tras su casa Jorga, su unico yiu muher Gladys, su dos yiu hombernan Nelson y Angel

y tres Nieto esta Bertje, Joey y Angelo y su auera Sheila Bareño. Mi ta desea nan y mi demas famianan hopi forza den e dianan aki di tristesa. Modjai, sosega na pas, na un luga sin dolor ni sufrimiento. Modjai su trabou na tera a wordo cumpli. Nos lo haya Modjai su falta y nos lo keda recorda

Modjai como un omo fuerte di gran balor. Cuminda mi famianan defunto pami y specialmente mi tata stima, Buchi Everaldo. Ayo Modjai, te despues y masha danki pa tur locual Modjai a significa pa nos.

Hellen croes, 27 juli 2010